

Að hengja upp veggfóður

Áður en verk hefst:

Gangið úr skugga um að allar rúllurnar séu óskemmdar, vörunúmer og lotunúmer séu eins og að allir litir passi saman. Skoðið veggfóðrið innan 14 daga frá kaupum og látið vita ef gallar koma fram. Endilega geymið öll númer og kóða. Það er á ábyrgð kaupanda að tryggja að veggfóðrið sé rétt hengt upp og í lagi.

Ef spurningar vakna, hikið ekki við að senda tölvupóst á vefverslun@serefni.is eða serefni@serefni.is. Einnig má hringja í síma 517-0404 milli kl. 8 og 18 virka daga. Gangi ykkur vel!

Uppsetning á veggfóðri með „non-woven“ bakhlið (flest nútímaveggfóður, t.d. frá sænskum framleiðendum):

1. Verkfæri: Hallamál, skurðarstika, plastspaði og/eða mjúkur bursti (ef undirlagið er gróft), samskeytarúlla, svampur/tuska og dúkahnífur. Notið ekki önnur lím en sérhönnuð veggfóðurslím; í Sérefnum fæst límið Nordsjö Non-Woven (1L, 5L og 15L. Þekja er 3-5m²/L). Non-Woven vísar til veggfóðurs úr pappírs sem styrktur hefur verið með gervitrefjablöndu. Afar auðvelt er að ná slíku veggfóðri af vegg síðar meir.
2. Til að tryggja fullkomna áferð verður að undirbúa veggina vel. Fyllið upp í öll göt á veggjum, tryggið að veggur sé sléttur, þurr og að yfirborðið sé fast í sér. Hraunaðir veggir henta ekki sem undirlag.
3. Veggurinn ætti að vera einlitur svo litaskil sjáist síður í gegnum veggfóðursmynstrið. Mikill litamunur milli veggjar og veggfóðurs getur haft áhrif á einstök mynstur. Prófið að leggja veggfóðrið upp að veggnum áður en límt er. Ef örlar fyrir veggglitnum er ráðlegt að mála eina umferð í svipuðum lit áður en veggfóðrað er.
4. Hreinsið óhreinindi og fitu af veggjum með fituhreinsi, t.d. Nordsjö Málartvätt. Veggirnir mega ekki vera alkalískir (s.s. ber steinsteypa eða kalkmálaðir), þannig fleti skal grunna með t.d. Nordsjö Grund+ eða Microdispers.
5. Það fer eftir stærð mynsturs og flatar hvort byrjað er að líma í horni eða við miðju (oftast er byrjað frá horni). Merkið fyrir lengjunni og notið hallamál eða leysigeisla. Ekki gera ráð fyrir að herbergið sé fullkomlega hornrétt.
6. Mælið hæð veggjar og bætið nokkrum cm við, a.m.k. 2-3 cm efst og neðst (metið með tilliti til endurtekninga mynsturs). Ef mynstrið er stórgert verður að ákveða fyrst hvar formin í mynstrinu eiga að lenda á veggnum. Klippið fyrsta renninginn. Skerið fyrir tenglum, hurðum og gluggum áður en þið límið.
7. Rúllið veggfóðurslími fremur þykkt á vegginn á flöt sem er um 10-12 cm breiðari en lengjan. Notið pensil við lista og loft.
8. Dragið fyrsta veggfóðursrenninginn upp í átt að lofti og festið lauslega efst. Látið hann ná a.m.k. 2-3 cm upp fyrir kverk og niður fyrir gólfskil. Látið veggfóðrið ná 1-2 cm inn yfir hornið. Mikilvægast er að tryggja að fyrsti renningurinn sé beinn og mynstrið halli ekki því skekkja hefur áhrif á allar hinar lengjurnar. Ýtið lengjunni til í líminu þar til hún situr rétt.
9. Notið veggfóðursspaða eða veggfóðursbursta til að slétta út loftbólur (ef undirlagið er gróft hentar bursti betur). Vinnið ykkur niður frá toppi til gólfs og frá miðju út til hliðanna.
10. Skerið umframveggfóðrið efst og neðst með beittum dúkahníf. Gott er að leggja spaða eða stiku bak við hnífinn til að fá fallegan skurð og reynið að skera í einni hreyfingu. Notið nýtt brotablað í dúkahnífnum við næsta skurð.
11. Þegar næsti renningur er settur upp þarf að gæta þess að mynstrið passi við þann fyrri. Því verður einhver afskurður af hverjum renningi, meira af stórgerðum mynstrum en smágerðum. Enginn afskurður er af einlitu og langröndóttu veggfóðri, nema efst og neðst.
12. Notið litla samskeytarúllu fyrir veggfóður til að pressa saman samskeytin á lengjunum. Munið að gera það meðan límið er blautt.
13. Þurrkið umfram lím af veggfóðrinu strax með rökum svampi eða tusku. Hreinsið límið jafnóðum af veggfóðursskilum og listum svo það harðni ekki á yfirborðinu. Athugið að textílveggfóður þola ekki lím á framhlið.
14. Látið þorna við herbergishita; ekki reyna að flýta þornun því þá gæti veggfóðrið hlaupið.
15. Ef notað hefur verið of lítið lím gætu samskeytin losnað aðeins upp á pörtum. Það má laga með því að setja lím í litla sprautu og sprauta undir samskeytin. Rúlla svo yfir og þurrka umframlím.

Hér er myndband um uppsetningu á veggfóðri með non-woven baki <https://www.youtube.com/watch?v=t31fSVLQJC8>

Hér má sjá hvernig Guðrún Lára veggfóðrar herbergi í gömlu timburhúsi <https://serefni.is/gudrun-lara-veggfodrar/>

